

# YMWELIADAU SAFLE CYNLLUNIO

## Cofnodion y cyfarfod a gynhaliwyd ar 21 Hydref 2015

<b>YN BRESENNOL:</b>	Y Cynghorwyr Jeff M. Evans, K.P. Hughes.
<b>WRTH LAW:</b>	Arweinydd Tîm Rheolaeth Datblygu (NJ).
<b>YMDDIHEURIADAU:</b>	Y Cynghorwyr John Griffith, Vaughan Hughes, R.O. Jones
<b>HEFYD YN BRESENNOL:</b>	Aelod Lleol: Y Cynghorydd T.L.I. Hughes (ar gyfer y ddau gais)

---

**1. 43C196 – Cais llawn i addasu adeilad allanol yn fwyty, addasiadau i'r fynedfa bresennol ynghyd â gosod pecyn trin carthffosiaeth ger Tŷ'r Garreg, Rhoscolyn**

Dangoswyd y fynedfa i'r safle i'r Aelodau ynghyd â'r gwaith arfaethedig cyn mynd ymlaen at yr adeiladau eu hunain. Tynnwyd sylw at leoliad y llwybr cyhoeddus a'r llwybr a ganiateir gan y tîrfeddiannwr. Edrychwyd ar y cynigion mewn perthynas â pha mor agos ydynt at annedd Tŷ'r Garreg ac eiddo eraill yn y cyffiniau. Tynnwyd sylw at uchder y safle mewn perthynas â'r dirwedd o amgylch sydd wedi'i dynodi'n Ardal o Harddwch Naturiol Eithriadol. Aethpwyd i'r safle ac oddi yno trwy wneud cylch o'r llwybr er mwyn deall y rhwydwaith priffyrdd.

**2. 46C14V/1 – Cais llawn i ailfodelu'r parc carafanau statig presennol i ddarparu ar gyfer adleoli 14 carafán gwyliau statig ar yr elfen 'statig' deithiol ynghyd ag ymestyn y parc er mwyn adleoli 46 o garafanau teithiol ym Maes Carafanau The Cliff, Trearddur**

Dangoswyd y maes carafanau presennol i'r Aelodau mewn perthynas â'r safle estynedig arfaethedig ac eiddo o amgylch a'r llwybr cyhoeddus. Dangoswyd lleoliad y carafanau arfaethedig mewn perthynas â ffos bresennol ynghyd â llystyfiant presennol a fyddai'n cael ei gadw. Tynnwyd sylw at yr eiddo yr oedd eu deilaid wedi ysgrifennu llythyrau'n gwrthwynebu.